

9 Julai 2012

Kereta rosak bongkar sindiket edar dadah



Sebahagian ketulan mampat heroin seberat 2.56 kilogram serta bungkusan berisi 160 biji pil ekstasi dianggar bernilai lebih RM45,000 dirampas pihak polis dalam kenderaan rosak di tepi jalan berhampiran Plaza Tol Lembah Beringin, Hulu Selangor, semalam.

KUALA LUMPUR 8 Julai - Sebuah kereta Proton Persona yang rosak dan diletakkan di tepi jalan berhampiran Plaza Tol Lembah Beringin di Kerling dekat sini pada Selasa lalu membongkar satu sindiket pengedaran dadah yang didalangi tiga lelaki tempatan.

Kenderaan tersebut sebelum itu digunakan oleh dua lelaki untuk menghantar bekalan dadah dari Pulau Pinang ke ibu negara sebelum mengalami kerosakan kotak gear dan terpaksa ditinggalkan di tepi jalan itu.

Ketua Polis Daerah Hulu Selangor, Supritendan Norel Azmi Yahya Affandi berkata, suspek menghubungi rakannya supaya datang mengambil mereka dengan sebuah kereta Proton Wira untuk meneruskan perjalanan ke ibu negara tetapi tidak bernasib baik apabila terserempak dengan sebuah kereta dinaiki tiga anggota polis.